

大智度論

第五十八

二百十三  
形八

48894



元祿九年丙子二月日重修

皇圖聖圖 帝階級呂

佛日增輝 懋輪常轉

山城州天安寺法金剛院置




大智度論卷第五十八

形

龍樹菩薩造 姚秦三藏法師鳩摩羅什譯

釋勸持品第三十四

尔時三千大千世界所有四天王天乃至阿  
迦尼吒天語釋提桓因諸天言應受是般若  
波羅蜜應持應親近應讀誦說正憶念何以  
故受持般若波羅蜜乃至正憶念故一切所  
修集善法當具足滿增益諸天衆減損阿修  
羅諸受持般若波羅蜜乃至正憶念故佛種  
不斷法種僧種不斷佛種法種僧種不斷故  
便有檀波羅蜜尸羅波羅蜜羼提波羅蜜毗  
梨耶波羅蜜禪波羅蜜般若波羅蜜皆現於



世四念處乃至十八不共法菩薩道皆現於

世須陀洹果斯陀含果阿那含果阿羅漢果

辟支佛道佛道須陀洹乃至佛皆現於世今

時佛告釋提桓因憍尸迦汝當受是般若波

羅蜜持讀誦說正憶念何以故若諸阿修羅

生心欲與三十三天共鬪憍尸迦汝今時當

誦念般若波羅蜜諸阿修羅惡心即滅更不

復生憍尸迦若諸天子天女互死相現時當

墮不如意處汝當於其前誦讀般若波羅蜜

是諸天子天女聞般若波羅蜜功德力故還生

本處何以故聞般若波羅蜜有大利益故復

次憍尸迦若有善男子善女人若諸天子天

形大智度論卷五十八

女聞是般若波羅蜜經耳是功德故漸當得  
阿耨多羅三藐三菩提何以故憍尸迦過去  
諸佛及弟子皆學是般若波羅蜜得阿耨多  
羅三藐三菩提入無餘涅槃憍尸迦未來世  
諸佛今現在十方諸佛及弟子皆學是般若  
波羅蜜得阿耨多羅三藐三菩提入無餘涅  
槃何以故憍尸迦是般若波羅蜜攝一切善  
法若聲聞法若辟支佛法若菩薩法若佛法  
釋提桓因白佛言世尊般若波羅蜜是大明  
咒無上明咒無等等明咒何以故世尊是般  
若波羅蜜能除一切不善法能與一切善法  
佛語釋提桓因如是如是憍尸迦般若波羅

蜜是大明咒無上明咒無等等明咒何以故  
憍尸迦過去諸佛因是明咒故得阿耨多羅  
三藐三菩提未來世諸佛今現在十方諸佛  
亦因是明咒得阿耨多羅三藐三菩提因是  
明咒故世間便有十善道便有四禪四無量  
心四無色定便有檀波羅蜜乃至般若波羅  
蜜形四念處乃至十八不共法便有法性如法  
相法住法位實際便有五眼須陀洹果乃至  
阿羅漢果辟支佛道一切智一切種智憍尸  
迦菩薩摩訶薩因緣故十善出於世間四禪  
四無量心乃至一切種智須陀洹乃至諸佛  
出於世間譬如滿月照明星宿亦能照明如

大智度論卷五十八

二

是憍尸迦一切世間善法正法十善乃至一  
切種種智若諸佛不出時皆從菩薩生是菩薩  
摩訶薩方便力皆從般若波羅蜜生菩薩摩  
訶薩以是方便力行檀波羅蜜乃至禪波羅  
蜜內空乃至無法有法空四念處乃至十八  
不共法不證聲聞辟支佛地成就衆生淨佛  
世界壽命成就世界成就菩薩眷屬成就得  
一切種種智復次憍尸迦若善男子善女人聞  
般若波羅蜜受持親近乃至正憶念是人當  
得今世後世功德釋提桓因白佛言世尊何  
等是善男子善女人受持般若波羅蜜乃至  
正憶念得今世功德佛告釋提桓因若有善

男子善女人受持般若波羅蜜乃至正憶念  
終不中毒死兵刃不傷水火不害乃至四百  
四病所不能中除其宿命業報復次憍尸迦  
若有官事起是善男子善女人讀誦般若波  
羅蜜故往到官所官不譴責情何以故是般若  
波羅蜜威力故若善男子善女人讀誦是般  
若波羅蜜到王所若太子大臣所王及太子  
大臣皆歡喜問訊和意與語何以故是諸善  
男子善女人常有慈悲喜捨心向衆生故憍  
尸迦若善男子善女人受持般若波羅蜜乃  
至正憶念得如是等種種今世功德憍尸迦  
何等是善男子善女人後世功德是善男子



善女人終不離十善道四禪四無量心四無  
色定六波羅蜜四念處乃至十八不共法是  
人終不墮三惡道受身完具終不生貧窮下  
賤工師除廁人擔死人家常得三十二相常  
得化生諸現在佛界終不離菩薩神通若欲  
從一佛界至一佛界供養諸佛聽諸佛法即  
得隨意所遊佛界成就衆生淨佛世界漸得  
阿耨多羅三藐三菩提憍尸迦是名後世功  
德以是故憍尸迦善男子善女人應當受持  
般若波羅蜜親近讀誦說正憶念華香乃至  
伎樂供養常不離薩婆若心是善男子善女  
人乃至阿耨多羅三藐三菩提得今世後世

功德成就釋曰佛是法王讚嘆受持般若波  
羅蜜者已次天王釋讚釋讚已今次諸天讚  
以多衆讚故令人信心轉深作是言應受持  
是般若波羅蜜此中說受持因緣修諸功德  
增益諸天減損阿修羅三寶不斷六波羅蜜  
等諸功德示現於世形今時佛可諸天讚告釋  
言汝受持是般若波羅蜜此中說因緣若阿  
修羅生惡心欲共三十三天鬪汝今時讀誦  
般若者惡心即滅若二陣相對時讀誦般若  
者阿修羅即退去問曰若今者何以不常誦  
般若令阿修羅惡心不生何故乃使兩陣相  
對答曰諸天多著福樂深欲心利雖知般若

大智度論卷五十八

有大功德不能常誦故又以忤利天不淨業  
因緣故致有怨敵不得不闔諸天命欲終時  
互死相現一者華冠萎二者腋下汗出三者  
蠅來著身四者見更有天生已坐處五者自  
不樂本座諸天見是死相念惜天樂見當生  
惡處心懷憂毒尔時若聞般若波羅蜜實相  
諸法虛誑無常空寂信是佛法心清淨故還  
生本處是天人不但還生本處以聞般若故  
世世受福樂漸成無上道此中因緣如經說  
般若波羅蜜為大明咒者是問曰釋提桓因  
何以故名般若為大明咒答曰諸外道聖人  
有種種咒術利益民人誦是咒故能隨意所

欲使諸鬼神諸仙人有是咒故大得名聲人  
 民歸伏貴咒術故是以釋白佛言諸咒術中  
 般若波羅蜜是大咒術何以故能常與衆生  
 道德樂故餘咒術樂因緣能起煩惱又不善  
 業故墮三惡道復次餘咒術能隨貪欲瞋恚  
 自在作惡是般若波羅蜜咒能滅禪定佛道  
形大智度論卷五十八  
 涅槃諸著何況貪恚癡病是故名五為大明咒  
 無上咒無等等咒復次是咒能令人離老病  
 死能立衆生於大乘能令行者於一切衆生  
 中最大是故言大咒能如是利益故名五為無  
 上先有仙人所作咒術所謂能知他人心中  
 名抑叉尼能飛行變化咒名捷陀黎能住壽

過千歲萬歲咒於諸咒中無與等於此無等  
咒術中般若波羅蜜過出無量故名無等等  
復次諸佛法名無等般若波羅蜜得佛因緣  
故言無等等復次諸佛於一切衆生中名無  
等是般若咒術佛所作故名無等等咒復次  
此經中自說三咒因緣所謂是咒能捨一切  
不善法能與一切善法佛順其所嘆故言如  
是如是亦更廣其所讚所謂因般若故出生  
十善道乃至諸佛是般若波羅蜜屬菩薩故  
佛說譬喻諸佛能大破無明闇故如滿月菩  
薩破暗不如故如星宿如夜中有所見皆是  
星月力世間生死夜中有所知見皆是佛菩

薩力若世無佛尔時菩薩說法度衆生著人  
天樂中漸漸令得涅槃樂菩薩所有智慧皆  
是般若波羅蜜力復次是菩薩雖行三十七  
品十八空知諸法畢竟不可取亦不證聲聞  
辟支佛道而能還起善法教化衆生淨佛世  
界壽命具足等皆是方便般若波羅蜜力若  
是人能受持般若乃至正憶念得今世後世  
功德今世功德者所謂終不中毒死等問曰  
先已說不橫死今何以更說答曰先已說般  
若波羅蜜不一會中說此為後來者更為說  
復次刀毒水火有二種有他作有自作先說  
他加兵毒水火等今為不自傷何以知之次

形大智度論卷五十八

說四百四病故知上雖說人不能得其便不  
說其人還恭敬供養四百四病者四大為身  
常相侵害一一大中百一病起冷病有二百二  
水風起故勢病有二百二地火起故火熱相  
地堅相堅相故難消難消故能起熱病血肉  
筋脉骨髓等地分除其業報者一切法和合  
因緣生無有作者無有作者故必受業報佛  
所不能救何況般若必受業報不必受業報  
先已說官事起者誦般若波羅蜜力故隨起  
皆滅問曰先說人不能得便今何以復更說  
答曰先雖說人不能得便不說國王大臣等  
既不能得便還復恭敬供養何以故是菩薩

常有慈悲喜捨心向衆生故後世功德者世  
世所生常不離十善道等是故常不墮惡道  
是人折伏惡心故受身完具不生下賤等家  
學佛所學道故得變化身似佛有三十二相  
八十隨形好常得化生現在佛國者隨心所  
到十方世界供養諸佛聽受諸法教化衆生  
形 大智度論卷五十八  
漸漸得成佛道是故行者聽聞受持乃至正  
憶念不離薩婆若心如<sub>是</sub>得今世後世功德  
梵志  
大智度論釋遣異品第三十五

尔時諸外道梵志來向佛所欲求佛短是時  
釋提桓因心念是諸外道梵志來向佛所欲  
求佛短我今當誦念從佛所受般若波羅蜜



是諸外道梵志等終不能中道作礙斷。般若說波羅蜜釋提桓因作是念已即誦般若波羅蜜是時諸外道梵志遙遠佛復道還去時舍利弗心念是中何因緣諸外道梵志遙遠佛復道還去佛知舍利弗心念告舍利弗是釋提桓因誦念般若波羅蜜以是因緣故諸外道梵志遙遠佛復道還去舍利弗我不見是諸外道梵志一念善心是諸外道梵志。持惡但心來欲索佛短舍利弗我不見說般若波羅蜜時一切世間若天若魔若梵若沙門衆婆羅門衆中有持惡意來能得短者何以故舍利弗是三千大千世界中諸四天王天乃至

阿迦尼吒天諸聲聞辟支佛諸菩薩摩訶薩  
守護是般若波羅蜜所以者何是諸天人皆  
從般若波羅蜜中生故復次舍利弗十方如  
恒河沙等世界中諸佛及聲聞辟支佛菩薩  
摩訶薩諸天龍鬼神等皆守護是般若波羅  
蜜所以者何是諸佛等皆從般若波羅蜜中  
生故形大智度論卷五十八今佛四象現前集會亦  
有欲界色界諸天子是中必有菩薩摩訶薩  
受記當得阿耨多羅三藐三菩提我寧可至  
佛所破壞其意是時惡魔化作四種兵來至  
佛所今時釋提桓因心念是四種兵或是惡  
魔化作欲來向佛何以故是四種兵嚴飾頻

婆娑羅王四種兵所不類波斯匿王四種兵  
亦不類諸釋子四種兵諸黎唱四種兵皆亦  
不類是惡魔長夜索佛便欲惱衆生我寧可  
誦念般若波羅蜜釋提桓因即時誦念般若  
波羅蜜惡魔如所誦聞漸漸復道還去尔時  
會中四天王諸天子乃至阿迦尼吒諸天子  
化作天花於虛空中而散佛上作是言世尊  
願令般若波羅蜜久住閻浮提所以者何閻  
浮提人受持般若波羅蜜隨所住時佛寶不  
滅法寶僧寶亦住不滅尔時十方如恒河沙  
等世界中諸天亦散華作是言世尊願令般  
若波羅蜜久住閻浮提若般若波羅蜜久住

佛法僧亦當久住分別知菩薩摩訶薩道復  
次所在住處有善男子善女人書持般若波  
羅蜜經卷是處則為照明已離眾冥佛告釋  
提桓因等諸天子如是如是憍尸迦及諸天  
子閻浮提人受持般若波羅蜜隨所住時佛  
寶如是住法寶僧寶亦如是住乃至所在住  
處形善男子善女人有善持般若波羅蜜經卷大智度論卷五十八  
是處則為照明已離眾冥九諸天子化作  
天卒敬佛上作是言世尊若有善男子善女  
人受持般若波羅蜜乃至正憶念魔若魔天  
不能得其便世尊我等亦當擁護是善男子  
善女人何以故若善男子善女人受持般若

波羅蜜乃至正憶念我等視是人即是佛若  
次佛是時釋提桓因白佛言世尊善男子善  
女人受持般若波羅蜜乃至正憶念者當知  
是人先世於佛所作功德多親近供養諸佛  
為善知識所護世尊諸佛一切智應當從般  
若波羅蜜中求般若波羅蜜亦當從一切智  
中求所以者何般若波羅蜜不異一切智一  
切智不異般若波羅蜜般若波羅蜜一切智  
不二不別是故我等視是人即是佛若次佛  
佛告釋提桓因如是如是憍尸迦諸佛一切  
智即是般若波羅蜜般若波羅蜜即是一切  
智何以故憍尸迦諸佛一切智從般若波羅

蜜中生般若波羅蜜不異一切智一切智不  
異般若波羅蜜般若波羅蜜一切智不二不別  
釋曰上品中說聞受般若者魔若魔民外道  
梵志不得其便今欲現證驗故以威神感致  
衆魔及諸外道是以外道梵志作是念佛在  
者閻嶽山中說般若波羅蜜所謂諸法畢竟  
空形無所有以引致十方衆生我等共往十難問  
破此空論其論若破佛則自退我等還得如  
本是諸外道但有邪見惡心憍慢故來欲出  
是畢竟清淨般若波羅蜜過罪譬如狂人欲  
中傷虛空徒自疲苦尔時帝釋如佛教受持  
般若外道不能得便今欲驗實令人信知故

帝釋無量福德成就以天利根深信般若即  
時誦念得般若力故外道遙遠佛復道而去  
問曰何以不直還方遠佛而去答曰以般若  
神力故於遠處降伏作是念佛衆威德甚大  
我等今往徒自困辱無所成辦我等今若遙  
見直去人當謂我等怯弱來而空去以是故  
詐現供養遠佛復道而去舍利弗本是梵志  
見諸外道遠處而去心少憐愍不能以小事  
故入三昧求知作是念此諸外道何因緣來  
竟不蒙度而空還去佛言是般若波羅蜜力  
舍利弗意念佛以般若波羅蜜無事不濟云  
何令此外道空來而去佛知舍利弗所念語

舍利弗是諸梵志乃至無一念善心但持惡  
意邪見著心欲求諸法定相是故不中度譬  
如必死之病雖有良醫神藥不能救濟舍利  
弗說般若波羅蜜時非但此梵志一切世間  
人持惡心來不能得便何以故一切諸佛及  
諸菩薩諸天常守護般若故所以者何諸佛  
菩薩形天人作是念我等皆從般若生故十一魔來  
欲難問破壞亦如是是時會中諸天子先聞  
般若功德今見證驗心大歡喜化率供養作  
是願令般若波羅蜜久住闍浮提是事如下  
廣說佛即印可諸天於佛前自誓言行者若  
聞受般若波羅蜜乃至正憶念我等常當守

大智度論卷第十八



所以者何我等視是人如佛若次佛如佛者  
法性身住阿鞞跋致得無生法忍乃至十地  
次佛者肉身菩薩能說般若波羅蜜及其正  
義尔時帝釋以先世因緣所集功德智慧讚  
是菩薩此中更說讚嘆因緣諸佛一切種智  
應從般若中求者菩薩行般若波羅蜜具足  
故得佛時般若變成一切種智故言一切種  
智當從般若中求佛能說般若波羅蜜故言  
般若波羅蜜當從一切智中求譬如乳變為  
酪酪乳無酪亦不得言乳即是酪般若波羅  
蜜變為一切種智離般若亦無一切種智亦  
不得言般若即是一切種智般若與一切種

智作生因一切檀智與般若作說因因果不相離故言不二不別

大智度論釋尊導品第三十六

尔時慧命阿難白佛言世尊何以不稱譽檀

波羅蜜尸羅波羅蜜羼提波羅蜜毗梨耶波

羅蜜禪波羅蜜乃至十八不共法但稱譽般

若波羅蜜佛告阿難般若波羅蜜於五波羅

蜜乃至十八不共法為尊導阿難於汝意云

何不迴向薩婆若布施得稱檀波羅蜜不不

也世尊不迴向薩婆若尸羅羼提毗梨耶禪

智慧是般若波羅蜜不不也世尊以是故知

般若波羅蜜於五波羅蜜乃至十八不共法

形 大智度論卷五十八

十二

為尊導是故稱譽阿難白佛言世尊云何布  
施迴向薩婆若作檀波羅蜜乃至作般若波  
羅蜜佛告阿難以無二法布施迴向薩婆若  
是名檀波羅蜜以不生不可得迴向薩婆若  
布施是名檀波羅蜜乃至以無二法智慧迴  
向薩婆若是名般若波羅蜜以不生不可得  
迴向薩婆若智慧是名般若波羅蜜阿難白  
佛言世尊云何以不二法迴向薩婆若布施  
是名檀波羅蜜乃至以不二法迴向薩婆若  
智慧是名般若波羅蜜佛告阿難以色不二  
法故受想行識不二法故乃至阿耨多羅三  
藐三菩提不二法故世尊云何色不二法乃

至阿耨多羅三藐三菩提不二法佛言色色  
相空何以故擅波羅蜜色不二不別乃至阿  
耨多羅三藐三菩提擅波羅蜜不二不別五  
波羅蜜亦如是以是故阿難但稱譽般若若波  
羅蜜於五波羅蜜乃至一切種智為尊尊阿  
難譬如地以種散中得因緣和合便生是諸  
種子形依地而生如是阿難五波羅蜜依般若十三  
波羅蜜得生四念處乃至一切種智亦依般  
若波羅蜜得生以是故阿難般若波羅蜜為  
五波羅蜜乃至十八不共法尊尊爾時釋提  
桓因白佛言世尊佛說善男子善女人受持  
般若波羅蜜乃至正憶念者功德未盡何以

故受持般若波羅蜜乃至正憶念則受三世  
諸佛無上道所以者何欲得薩婆若當從般  
若波羅蜜中求欲得般若波羅蜜當從薩婆  
若中求世尊受持般若波羅蜜乃至正憶念  
故十善道現於世間四禪四無量心四無色  
定乃至十八不共法現於世間受持般若波  
羅蜜乃至正憶念故世間便有利利大姓婆  
羅門大姓居士大家四天王天乃至阿迦尼  
吒諸天受持般若波羅蜜乃至正憶念故便  
有須陀洹乃至阿羅漢辟支佛菩薩摩訶薩  
受持般若波羅蜜乃至正憶念故諸佛出於  
世間尔時佛告釋提桓因憍尸迦善男子善

女人受持般若波羅蜜乃至正憶念我不說  
但有介所功德何以故憍尸迦是善男子善  
女人受持般若波羅蜜乃至正憶念不離薩  
婆若心無量成就眾成就定眾慧眾解脫眾解  
脫知見眾成就復次憍尸迦是善男子善女  
人能受持般若波羅蜜乃至正憶念不離薩  
婆若心形當知是人為如佛復次憍尸迦十四一切  
聲聞辟支佛所有戒眾定眾慧眾解脫眾解  
脫知見眾不及是善男子善女人戒眾乃至  
解脫知見眾百分千分千億萬分乃至等數  
譬喻所不能及何以故善男子善女人於聲  
聞辟支佛地中心得解脫更不求大乘法故

復次憍尸迦。若有善男子、善女人。書持般若波羅蜜經卷。供養恭敬。尊重花香。瓔珞乃至伎樂。亦得今世後世功德。爾時釋提桓因白佛言。世尊。是善男子、善女人。受持般若波羅蜜。乃至正憶念。不離薩婆若心。供養般若波羅蜜。恭敬尊重。花香乃至伎樂。我常當守護是人。

釋曰。阿難雖多聞力。能分別空。而未離欲。故不能深入。雖常侍佛。不數問難。空事。今佛讚嘆般若波羅蜜。亦讚嘆行者。是故阿難白佛言。世尊。何以不稱嘆餘波羅蜜。及諸法。而獨稱嘆般若波羅蜜。問曰。佛從初以來。常說六

波羅蜜名今阿難何以言不稱說答曰雖說  
名字不為稱羨皆為入般若中故說佛說阿  
難一切有為法中智慧第一一切智慧中度  
彼岸般若波羅蜜第一譬如行路雖有衆伴  
導師第一般若亦如是雖一切善法各各有  
力般若波羅蜜能示導出三界到三乘若魚  
形大智度論卷五十八  
般若波羅蜜雖行布施等善法隨受業行果  
報有盡以有盡故尚不能得小乘涅槃何況  
無上道若布施等善法能觀如佛道相不二  
不生不滅不得不失畢竟空寂是名迴向薩  
婆若是有施福世世常受果報而不盡後當  
得一切種智如布施一切法亦如是相問曰



佛何以答不二因緣。還以不二解答曰。阿難不問不二因緣。但問何法不二。是故佛答。色等諸法不二。故般若波羅蜜能令五事等作波羅蜜。故但稱譽般若波羅蜜。佛欲令是義了了易解。故作喻譬。如大地能生萬物。般若波羅蜜如是能持一切善法種子者。從發心來。除般若波羅蜜。餘一切善法。是因緣和合者。是佛道中一心信忍精進不休不息。欲受通達不壞。有如是等法事。得成辦者。是增長者。從發心起。學諸波羅蜜。從一地至一地。乃至佛地。是問曰。帝釋何以故言佛說行者受持般若功德未盡。帝曰。般若波羅蜜無量。無

邊功德亦無量無邊說未究竟中間外道梵志

及魔來故傍及異事今還欲續聞帝釋深受

福德果報樂聞般若功德聽無厭足今更欲

聞說故自說因緣世尊若人受持般若波羅

蜜乃至正憶念則受三世諸佛無上道功德

智慧所以者何般若中應求一切十六種智一切

種智形中應求般若如上品末說諸行者若受

持般若發心求阿耨多羅三藐三菩提為度

衆生故集般若波羅蜜等諸功德所謂十善

道乃至十八不共法現於世間是善法因緣

故有利利大姓乃至諸佛佛告天帝是人不

但得如上功德亦得無量戒衆等功德戒衆

者是菩薩行般若波羅蜜於一切衆生中修  
畢竟無畏施衆生十方中數無量無邊三世  
中數亦無量無邊六道四生種類各各相亦  
無量無邊於此無量無邊衆生中施第一所  
愛樂物所謂壽命是故得無量戒衆果報如  
是不殺等戒但說名字則二百五十毗尼中  
略說則八萬四千廣說則無量無邊是戒凡  
夫人或一日受或一世或百千萬世菩薩世  
世於一切衆生中施無畏乃至入魚餘涅槃  
是名無量戒衆乃至解脫知見衆亦如是隨  
義分別是五衆功德勝於二乘不可計量若  
人書寫供養般若波羅蜜得今世後世功德

問曰今世後世功德深重書持供養輕微云  
何得二世功德答曰供養有二種一者効他  
供養二者深心供養知般若功德深心供養  
故得二世功德是般若若有種種門入若聞持  
乃至正憶念者智慧精進門入書寫供養者  
信及精進門入若一心深信則供養經卷勝  
形若不一心大智度論卷五十八雖受持而不如復次有如意寶珠十七

是無記色法無心無識以衆生福德因緣故  
生有人供養者能令人隨意所得何況般若  
波羅蜜是魚上智慧諸佛之母諸法寶中是  
第一寶若人如所聞一心信受供養云何不  
得二世功德但人不一心供養又先世重罪

故雖供養般若而不得如上功德般若無卷  
佛告釋提桓因憍尸迦是善男子善女人欲  
讀誦說般若波羅蜜時無量百千諸天皆來  
聽法是善男子善女人說般若波羅蜜法諸  
天子益其膽力是諸法師若疲極不欲說法  
諸天益其膽力故便能更說善男子善女人  
受是般若波羅蜜乃至正憶念供養花香乃  
至伎樂故亦得是今世功德復次憍尸迦是  
善男子善女人於四部衆中說般若波羅蜜  
時心無怯弱若有論難亦無畏想何以故是  
善男子善女人為般若波羅蜜所護持故般  
若波羅蜜中亦分別一切法若世間若出世

問若有漏若無漏若善若不善若有為若無  
為若聲聞法若辟支佛法若菩薩法若佛法  
善男子善女人住內空乃至住無法有法空  
故不見有能難般若波羅蜜者亦不見受難  
者亦不見般若波羅蜜如是善男子善女人  
為般若波羅蜜所護持故無有能難壞者復  
次善男子善女人受持般若波羅蜜乃至正形大智度論卷五十八  
憶念時不沒不畏不怖何以故是善男子善  
女人不見是法沒者恐怖者憍尸迦善男子  
善女人受持般若波羅蜜乃至正憶念花香  
供養乃至幡蓋亦得是今世功德復次憍尸  
迦善男子善女人受持般若波羅蜜乃至正

憶念書持經卷花香供養乃至情蓋是人為  
父母所愛宗親知識所念諸沙門婆羅門所  
敬十方諸佛及菩薩摩訶薩辟支佛阿羅漢  
乃至須陀洹所愛敬一切世間若天若魔若  
梵及阿修羅等皆亦愛敬是人行檀波羅蜜  
檀波羅蜜無有斷絕時尸羅波羅蜜羸提波  
羅蜜毗梨耶波羅蜜禪波羅蜜般若波羅蜜  
亦無有斷絕時修內空不斷乃至修無法有  
法空不斷修四念處不斷乃至修十八不共  
法不斷修諸三昧門不斷修諸陀羅尼門不  
斷諸菩薩神通不斷成就衆生淨佛世界不  
斷乃至修一切種智不斷是人亦能降伏難

論毀謗善男子善女人受持般若波羅蜜乃  
至正憶念不離薩婆若心書持經卷花香供  
養乃至幡蓋亦得是今世後世功德復次憍  
尸迦善男子善女人書持經卷在所住處三  
千大千世界中所有諸四天王天發阿耨多  
羅三藐三菩提心者皆來到是處見般若波  
羅蜜受讀誦說供養禮拜還去三十三天夜  
摩天兜率陀天化樂天他化自在天梵衆天  
梵輔天梵會天大梵天光天少光天無量光  
天光音天淨天少淨天無量淨天遍淨天無  
陰行天福德天廣果天發阿耨多羅三藐三  
菩提心者皆來到是處見般若波羅蜜受讀

形  
大智度論卷五十八

十九



誦說供養禮拜還去淨居諸天所謂無誑天  
無熱天妙見天喜見天色究竟天皆來到是  
處見是般若波羅蜜受讀誦說供養禮拜還  
去復次憍尸迦十方世界中諸四天王天乃  
至廣果天發阿耨多羅三藐三菩提心及淨  
居天并餘諸天龍鬼神捷闍婆阿修羅迦樓羅緊那  
羅緊那羅摩睺羅伽亦來見般若波羅蜜受  
讀誦說供養禮拜還去是善男子善女人應  
作是念十方世界中諸四天王天乃至廣果  
天發阿耨多羅三藐三菩提心及淨居天并  
餘諸天龍鬼神捷闍婆阿修羅迦樓羅緊那  
羅摩睺羅伽來見般若波羅蜜受讀誦說供

養禮拜我則法施已憍尸迦三千大千世界  
中所有諸四天王天乃至阿迦尼吒天及十  
方世界中諸四天王天乃至阿迦尼吒天發  
阿耨多羅三藐三菩提心者護持是善男子  
善女人諸惡不能得便除其宿命重罪憍尸  
迦是善男子善女人亦得是今世功德所謂  
形 大智度論卷五十八  
諸天子發阿耨多羅三藐三菩提心皆來到  
是處何以故憍尸迦諸天子發阿耨多羅三  
藐三菩提心欲救護一切衆生不捨一切衆  
生安樂一切衆生故尔時釋提桓因白佛言  
世尊善男子善女人云何當知諸四天王天  
乃至阿迦尼吒天來及十方世界中諸四天

王天乃至阿迦尼吒天來見般若波羅蜜受  
讀誦說供養禮拜時佛告釋提桓因憍尸迦  
若善男子善女人見大淨光明必知有大德  
諸天來見般若波羅蜜受讀誦說供養禮拜  
時復次憍尸迦善男子善女人若聞異妙香  
必知有大德諸天來見般若波羅蜜受讀誦  
說供養禮拜時復次憍尸迦善男子善女人  
行淨潔故諸天來到其處見般若波羅蜜受  
讀誦說供養歡喜禮拜是中有小鬼輩即時  
出去不能堪住大德諸天威德故以是大德  
諸天來故是善男子善女人生大心以是故  
般若波羅蜜所住處四面不應有諸不淨應

燃燈燒香散衆名花衆香塗地衆蓋幡幢種種嚴飾復次憍尸迦善男子善女人說法時終無疲極自覺身輕心樂隨法偃息卧覺安隱無諸惡夢夢中見諸佛三十二相八十隨形好比丘僧恭敬圍達說法在諸佛邊聽受法教所謂六波羅蜜四念處乃至十八不共形法分別六波羅蜜義四念處乃至十八不共大智度論卷五十八法亦分別其義亦見菩提樹莊嚴殊妙見諸菩薩趣菩提樹得阿耨多羅三藐三菩提見諸佛成已轉法輪見百千萬菩薩共集法論義應如是求薩婆若應如是成就衆生應如是淨佛世界亦見十方無數百千萬億諸佛

亦聞其名号某方其界某佛若干百千萬億  
菩薩若干百千萬億聲聞恭敬圍遶說法復  
見十方無數百千萬億諸佛般涅槃復見無  
數百千萬億諸佛七寶塔見供養諸塔恭敬  
尊重讚嘆花香乃至幡蓋憍尸迦是善男子  
善女人見如是善夢卧安覺安諸天益其氣  
力自覺身體輕便不大貪著飲食衣服卧具  
湯藥於此四供養其心輕微譬如比丘坐禪  
從禪定起心與定合不貪著食其心輕微何  
以故憍尸迦諸天法應以諸味之精益其氣  
力故十方諸佛及天龍鬼神阿修羅捷闍婆  
迦樓羅緊那羅摩睺伽亦益其氣力如是

憍尸迦善男子善女人欲得今世如是功德  
應當受持般若波羅蜜親近讀誦說正憶念  
亦不離薩婆若心憍尸迦善男子善女人雖  
不能受持乃至正憶念應當書持經卷恭敬  
供養尊重讚嘆花香瓔珞乃至幡蓋憍尸迦  
若善男子善女人聞是般若波羅蜜受持讀  
誦形說正憶念書寫經卷恭敬供養尊重讚嘆  
大智度論卷五十八  
花香乃至幡蓋是善男子善女人功德甚多  
勝於供養十方諸佛及弟子衆恭敬尊重讚  
嘆衣服飲食卧具湯藥諸佛及弟子般涅槃  
後起七寶塔恭敬供養尊重讚嘆花香乃至  
幡蓋

問曰天上自有般若何以來至說法人所益  
其膽力答曰天上雖有般若諸天憐愍衆生  
故來來則惡鬼遠去益法師膽力令其樂說  
又使衆生益加信敬以是故來有人言天可  
露味微細沾洽能入毛孔使善男子四大諸  
情柔濡輕利樂有所說問曰一切說般若者  
皆得諸天甘露味令其樂說不答曰不也若  
有行者一心求佛道折伏結使衣服淨潔所  
說法處清淨花香幡蓋香水灑地無諸不淨  
是故諸天歡喜亦利益諸聽者說法者雖不  
多讀內外經書深入般若波羅蜜義故心不  
怯弱不沒不怨不畏何以故般若波羅蜜中

無有定法可執可難可破故復次是般若波  
羅蜜中亦分別說諸法世間出世間常無常  
善不善等無法不有以備有諸法故不怯不  
畏若但有一法則多所闕故有恐畏是菩薩  
行般若波羅蜜煩惱拍薄諸福德增益熏身  
故威德可敬身是功德住處故雖形體醜陋  
無所能作猶為人所愛重何況自然端正能  
利益人問曰若諸佛沙門婆羅門所愛重可  
尔父母愛念何足稱答曰人雖父母所生不  
順父母教則不愛念菩薩於恭敬之中倍復  
殊勝供養恭敬尊重道德故沙門婆羅門愛  
敬平實至誠口不妄言深愛後世功德不著



今世樂接養下人不自高大若見他有過尚  
不說其實何況讒毀若必不得已終不盡說  
給恤孤窮不私附己如是等事皆是般若波  
羅蜜力是人功德遠聞故諸天世人皆所愛  
敬是供養般若波羅蜜故世世常得六波羅  
蜜等無有斷絕時是人福德智慧名聞故若  
有問難毀謗悉能降伏復次諸天為供養般  
若波羅蜜故來至般若所住處復次山河樹  
木土地城郭一切鬼神皆屬四天王四天王  
來故皆隨從共來是諸鬼神中有不得般若  
經卷者是故來至般若波羅蜜處供養讀誦  
禮拜亦為利益善男子故此亦是今世功德

以諸天善神來故天帝破肉眼人疑故問云  
何知大德天來時見大光明若聞殊異之香  
亦以如先說住處清淨故問曰人身不淨內  
充外淨何益答曰淨其住處及以衣服則外  
無不淨外無不淨故諸天歡喜譬如國王大  
人來處群細庶民避去諸大德天來小鬼去  
形大智度論卷五十八  
亦如是大天威德重故舊住小鬼避去十四是諸  
大天來近故是人心則清淨廣大行者若欲  
令大德天來當如經所說惡鬼遠去故身心  
輕便所以者何近諸惡鬼令人身心漸惡譬  
如近瞋人喜令人瞋近美色則令人好色情  
發是人內外惡因緣遠離故卧安覺安無諸

惡夢若夢但見諸佛如經所說問曰般若波  
羅蜜在佛身中若供養一佛則供養般若波  
羅蜜何以言供養十方佛不如供養般若波  
羅蜜答曰供養者心若供養佛取人相人畢  
竟不可得以取相故福田雖大而功德薄少  
供養般若波羅蜜者則如所聞般若中不取  
人相不取法相用是心供養故福德大復次  
般若波羅蜜是一切十方諸佛母亦是諸佛  
師諸佛得是身三十二相八十隨形好及無  
量光明神通變化皆是般若波羅蜜力以是  
故供養般若波羅蜜勝以是等因緣故勝供  
養十方諸佛非不敬佛

大智度論卷第五十八

形

中毒能中二中字聲謹去戰訊音信完尸官醫毒

上莫班反腋音蠅余陵抑意力匿尼力怯弱

下鳥為反散中上蘊正作繫丁敢偃衣阮輕

便下音若柔下濡正恤正思律反

形  
大智度論卷五十八

亦

山城國級喜郡新村  
靈瑞山剛恩庵沙門宗桂書寫之

